

廣宗縣志

瞿宣穎著

卷首

序例圖

卷一

大事紀

卷二

地輿略

卷三

民生略

卷四

風俗略

廣

宗

縣

志

一

十

亦

米
戠

叙

章實齋倡方志之學於今且百五十年輓近學者扇風揚波不遺餘力海內州邑新修之志相銜而出而求其能不悖於章氏之旨真可爲方域留故實者殊不數數觀蓋通才之難得而俗論之難諧也不佞領河北幕職竊願得交河北之賢士大夫且聞河北之遺聞佚事爰有河北月刊之輯兼爲河北通志試叛義例於是得一賢者與不佞有針磁之契焉曰廣宗韓君虛谷韓君旣以其縣沿革與志館相商權復以所撰廣宗縣志叙例郵致屬爲弁言不佞受而讀之以爲其善有五提要鉤元首重年表有此一編而一縣之史蹟始若網在綱則大事紀之善也抒述社會經濟狀態爲方志要旨舊志往往遂無一語及之此書力矯此弊則民生風俗略之

善也舊志列傳多失詳慎此書凡正史有傳者均錄史文而仿裴注陳書之例廣異聞以資佐證則人物列傳之善也舊例選舉表不適於今今改爲人表不濫不遺則人表之善也舊例名宦亦多疏濫今仿名臣言行錄之例以紀官斯土之有功德者則政績錄之善也韓君真通古今之變而具史才者余乃知禰而不能薦不使韓君獲在其位以昌河北之文教今余已謝事尤耿耿負疚於衷作是序以歸之不足爲韓君重徒志余媿也民國二十有二年八月前河北省政府秘書長兼通志館館長瞿宣穎撰

序

昔朱晦翁知南康下車伊始首訪郡乘誠以爲此邦官吏則總一邑之政務考問利病舍邑乘固莫屬也予於民國之廿年攝篆廣宗檢閱縣志則修自有清同治之季距今將六十年矣時事變遷書缺有間又中經國體更易諸多改觀及時續修尤爲當務之急是春大府以編纂河北通志檄各縣延紳耆搜故實呈備採錄報命之後因得踵以是役董其事者爲邑紳牛君可久佐以王君子潛二君從事地方公益甚久徵文考獻悉以咨之而筆政之司實總於韓君虛谷君績學工文久重名宿躬歷宰官通達吏事因克以其識力精研審覈輯新之餘並及釐舊凡前志記載有蕪雜者今皆易以雅馴序述有缺略者今必求其詳賅而民國改建以來政令變置既驟且頻時過境遷亦艱於回溯加以十六年團會入城之變縣署案卷遭燬滅大半燼餘掇拾動見殘闕總斯困難乃悉有以通之及其既成觀者歎服而不知其用心亦良苦矣修志預算計及酬勞韓君平津羈旅遂並餽廩而辭之然且纂輯之外兼顧校勘其自効於桑梓之勤誠晚近所未有也余幸遇賢明得觀成事樂書原委以詒來者且以見地方庶務待人而理魯無君子斯焉取斯云

民國二十二年十月廣宗縣縣長壽鄉姜樞榮撰

序

民國二十年河北省政府纂修通志徵集志料檄各縣延員編纂維時與王君克明魏君咸臨呂君蔭棠承乏其事越數月而報命縣長姜公以廣宗舊志斷自清同治之季迄今將六十年宜及時重修推予爲主任王君克明副之復函聘韓君敏修來縣從事當草創之始擬以志料門類爲主舉舊志所載者附入於內爲其有所因依易於成書也既以頗多枘鑿之處爰創擬凡例釐定篇目屬稟未定韓君因事赴津旋留滯舊都繼續編輯每成一篇由郵寄縣今年四月稟始彙齊以付正書至六月而完畢其體例視前又稍有變更蓋已三易其稟矣何其慎也昔人有云作史之難無出於志蓋簡則失之略詳則傷於蕪欲其文直而事核固非易也韓君平日留心鄉邦文獻凡與邑掌故有關者無不手鈔筆錄且於各縣志書涉獵多而鑑別精舍短取長成一家言是志之作其信今而傳後必矣余忝膺主任列名簡端亦暮年一幸事也時當付印因撮述其始末如右至於志之應作前人已詳言之志之所載覽者自能辨之故不復贅

民國二十二年十月邑人牛繼瑞序

序

周官外史掌四方之志鄭氏註謂如晉乘魯春秋楚檣杙之類蓋古者列國皆有史官以記其國之故實見於傳記者若史克董狐史蘇史黯左史倚相諸人其尤著也自封建變爲郡縣於是國有史而地方無史間有續學之儒掇拾鄉邦舊聞勒爲一編如汝南先賢傳襄陽耆舊傳華陽國志之類亦僅千百中之一二耳郡縣之有志萌芽於唐宋及明而益繁逮乎清代修志奉有詔令無縣無之惟設局修輯每因大吏迫促之急令長更迭之頻倉猝成編多乖體要侈陳山川人物之美雜採詩賦傳記之文雖卷帙宏富文章淹雅然欲藉以考覈庶之休戚政治之得失士習民風之淳漓則茫然不得其要領無惑乎方志之書爲世輕視而置諸不論不議之列也曠宗爲縣其來舊矣其有志則明隆慶時邑先達呂信始創爲之萬曆時知縣馬協復行增益清代官斯土者康熙時劉櫟吳存禮嘉慶時李師舒同治時羅觀駿皆踵而續之少所變更自同治迄今將六十年世運驟變清季維新取法列強舊有制度棄若弁髦民國肇造政同舉棋雖在一邑更張頻仍其法令之因革損益俗尚之推嬗變遷若不及時詮次筆之於書日月居諸將等於杞宋之無徵邑人士有志於斯者

屢矣以國家多故萑苻未靖戎馬在郊因循不果比年以來時和歲豐膏鄉姜公來長茲邦適大府有纂修河北通志之舉檄各縣蒐集故事以備採擇迫於時日急就成章公於是復有重修縣志之議詢謀僉同以牛君可久主其事王君子潛爲之副不棄葑菲並及下走敬恭桑梓誼何敢辭竊維一縣之志卽一縣之史必先考古而證今乃可信今而傳後爰遠稽史籍旁及前賢著作諸書近逮見聞所及網羅放失薈萃成篇就耆獻故老諮詢今情於殘碑斷碣搜尋往蹟一言一字必求其有據而不敢苟焉自來修志者往往拘避嫌常例於邑內人物身沒未久者概從闕略夫縣志之作遠或百餘年近亦數十年與其世遠年湮待傳聞之異詞何若比事屬辭具當時之實錄惟期發潛德之幽光斷不爲諛詞與曲筆斯亦可以告無罪矣又近代民族主義旁礪宇內永清之志氏族深州之列人譜師資不遠允宜則徵而邑俗樸陋譜牒殘闕是以未遑載筆計自屬稿以至殺青閱時葦有餘凡爲紀一以綜一縣之事蹟略九以考古今之典章錄一列傳十二以著令長鄉賢之功業表二以記職官人物之姓名提要鉤玄粗舉綱領顯微闡幽略陳淺見事實雖取材前作體例則不襲故常異日上之國史比於周官土訓誦訓所道諸端庶乎其有一得也惟下走

才乏三長學殖荒落勉竭駑散以襄一邑文獻之役綆短汲深良自愧慙邦人君子
不乏碩彥或爲劉昭之補闕或爲吳縝之糾謬斯所日夕盼望者也

民國二十有二年十月邑人韓敏修識

廣宗縣志編纂會題名錄

監修

廣宗縣縣長

姜楹榮

湖北南寧鄉人
縣長

廣宗縣區黨部常務委員

祁卓如

邑人

主任

廣宗縣文獻委員會委員長

牛韞璫

可久邑人
清光緒己丑科舉人

撰述

廣宗縣文獻委員會委員

韓敏修

虛谷邑人
清宣統己酉科拔貢

襄撰

廣宗縣文獻委員會委員

王克明

子潛邑人
清增生國史館謄錄

繕寫

廣宗縣監獄署書記

李振麟

獻瑞邑人
清廩膳生

廣宗縣第二區助理員

史鴻振

柱周邑人
高小畢業

繪圖

廣宗縣教育局事務員
廣宗縣財務局事務員

張岫嵐 雲峰人
級小學畢業
遂春熙 敬之邑人
級小學畢業

採訪

廣宗縣財務局局長

史立山 濱人

廣宗縣教育局局長

靳照海 景波人

廣宗縣鄉村師範學校校長

孫士魁 儒鄉人

廣宗縣高級小學校校長

張福廣 續五人

廣宗縣第一區區長

李永錫 純人

廣宗縣第二區區長

燕際安 一民人

廣宗縣第三區區長

張芳 輝之人

廣宗縣第四區區長

尹紹榮 化棠人

廣宗縣第五區區長

李書全 仲安人

廣宗縣第六區區長

翟振綱 任道人

廣宗縣第七區區長

常時芸 乃秋人

廣宗縣志凡例

一縣志體例完善綦難武功靈壽世稱名作然猶不免後人指摘清儒章學誠研覈方志之學所撰永清和州諸志約以紀表圖書略傳提綱挈領謹嚴得體今師其意稍加變通以圖居首次爲紀略錄傳而表卽附於各篇所有事實分篇敘述不復列著子目以避繁碎之譏

一左圖右史古人所重況地輿非圖不明故以圖冠首舊志縣圖頗爲簡略今據最近測繪描摹添入至警察教育自治分區域池縣署學校形勢各圖依次列後

一編年紀事肇自春秋後此呂氏有十二月紀各正史有本紀皆法春秋者也志之與史具體而微故先以紀綜括縣內大事

一書之總名爲志則其中分篇不應復以志名致涉重複鄭氏通志於言典章文物者統以二十略茲故於敘述沿革及有所考証者概名爲略

一章氏謂叙次名宦不當與鄉賢同爲列傳立論頗當蓋名宦但記在縣一時善政與列傳具詳生平始末詳略各殊也宋朱子有名臣言行錄今仿之曰政績錄以紀官斯土之有功德可稱者

一 人物列傳凡正史有傳者均錄正史原文餘則依舊志暨採訪稿詮次其有軼聞佚事別見各家著述者仿裴氏三國志註之例分註正文下用責佐證惟舊志多錄私人家傳失於繁冗略爲刪節以期簡潔

一 史遷作表原本周譜經緯分明實爲執簡馭繁之法吳氏深州風土記篇各有表允推傑作舊志有職官封爵選舉諸表茲於職官封爵合併爲一選舉改爲人表以求賅括其餘因事列表分隸各篇冀便觀覽

一 星野之說荒渺難稽叢爾一邑縱橫不過數十里謂爲上應列宿殊嫌附會舊志首列星野寥寥數語無關宏旨故從略

一 舊志所載典禮如朝賀敕護頒曆春諸端俱載會典通禮且爲全國通行非一邑所得而私況現在廢止已久毋須再行鈔錄故刪除

一 舊志藝文登載詩文雜著今擇其文章爾雅暨與本邑掌故有關者仿史漢例分別散入各門及列傳內其歌詠景物或文與本縣無涉者概從割愛

一 本縣縣志自明隆慶迄清同治修輯凡五次板本或存或亡今於藝文略後著其卷數並錄序文庶先哲編纂苦心不致湮沒

一廣宗得名肇自兩漢隋唐而後改稱宗城幅員本自遼闊元代恢復古名改遷新治仍在宗城縣屬地境內

說詳地輿略

故凡史冊所載廣宗宗城各事蹟人物概爲錄入

一志爲史體不尙文辭舊志各卷內令長明府廣文明經等名皆古代制度易淆耳目今俱改用當時名稱以期紀實

一舊志所載事實未敢刪削惟於浮泛詞句酌加剪裁俾歸雅馴舊志所略者補行纂述昔歐陽公修新唐書謂事增於前文省於舊雖不能至心嚮往之

一舊志藝文搜羅亦自非易於志既無可附麗歲月浸久或致佚失茲倣章氏之例別爲廣宗文徵另卷鈔錄以存先賢遺著

一本縣自民國十六年民變後縣署檔案散失考徵爲難由清同治迄於今茲代異時移父老凋零採訪亦恐未週疏略之處知所難免尙希大雅君子教而正之

廣宗縣第一區圖

